

## Stáhtaráđi ásahus

### guollebivddus Deanu čázádaga oalgečázádagain jagi 2023

Stáhtaráđi mearrádusa mielde mearriduvvo guolástanlága (379/2015) 46 § 3 momeantta, 48 § 3 momeantta ja 52 § 2 momeantta sihke guollebivddus Deanu čázádagas Norggain dahkkojuvvon soahpamuša lálkaásaheami suorggi mearrádusaid fápmuibidjamis ja guoskadeamis addojuvvon lága (176/2017) 7 § 3 momeantta vuodul:

#### 1 §

##### *Guoskadanviidodat*

Dán ásahusas mearriduvvo eará guliid go luosa bivddus čuovvovaš Deanu čázádaga luossagoargunviidodagain:

- 1) Buolbmátjávri, Gálddašjohka Luovosvárjoga njálmmi rádjái, Badje-Buolbmátjohka Badjegoržži rádjái, Luossajohka Luossajávri rádjái, Morešveaijohka njeallje kilomehtera bajás luoitinsajis Badje-Buolbmátjoga rádjái sihke Skihpajohka vuosttaš luobbala rádjái;
- 2) Veahčajohka Veahčajávri rádjái ja Váišjohka Váišluobbala rádjái;
- 3) Ohcejohka Mierašjávri rádjái, Čársejohka Linjinhjónjálmmis 10 kilomehtera bajás ja Geavu Fiellogáhjoga njálmmi rádjái;
- 4) Goahppelašjohka Birkehjónjálmmi rádjái, Birkehjohka Badjegoržži rádjái sihke Goaskinhjohka Goaskinjávri rádjái;
- 5) Njiljohka 13 kilomehtera nuppi juovahatgietti rádjái;
- 6) Áhkojohka goržži rádjái;
- 7) Gáregasjohka vihtta kilomehtera Luopmošjónjálmmis bajás.

Guollebivdui 1 momeanttas namuhuvvon viidodagain guoskaduvvo dasa lassin luossabivddu mearreáigásaš gielldimis Deanu čázádagas addojuvvon lálka (342/2023) sihke guollebivddus addojuvvon stáhtaráđi ásahus (1360/2015) dakko buohta go dán ásahusas ii nuppe lálkái mearriduvvo.

#### 2 §

##### *Guollebivddus lobálaš bivdoneavvut*

Guollebivdu lea lobálaš dušše čuovvovaš bivdoneavvuiguin ja -vugiiguin:

- 1) njággofierbmi Ohcejoga, Veahčajoga ja Buolbmátjoga čázádagas;
- 2) stággu ja vuogga buot guovlluin;
- 3) guollehehkke guoika- ja rávdnjeviidodagaid olggobealde;
- 4) njáhkároahkki jienja alde bivdedettiin.

#### 3 §

##### *Guollebivddu gielldusviidodagat*

Čuovvovaš viidodagain ii oáččo guolástit:

- 1) Badje-Buolbmátjohka ja dan oalgejogat

- 2) Gálddašjogas joganjálmmi rájes Luovosvárjoga joganjálmmi rádjái nu ahte Gálddašluoppal lea mielde;
- 3) Ohcejohka johkanjálmmi rájes gitta Ohcejoga ja Njuorggáma gaskasaš eatnangeainnu šalddj rádjái;
- 4) Čársejohka vuollegoržžis 60 mehtera mátkkis goržži niskkis vulos guvlui.

4 §

*Almmolaš vahkkoráfáidahttin*

Maŋnelis 5 ja 10 §:s mearriduvvon bivdoáigodagaid áigge visot bivdu lea gildojuvvon sotnabeaivvis diibmu 19 rájes gitta vuossárgga diibmu 19 rádjái earret guollebivddu jávrriin 200 mehtera duohken joga oivošis dahje njálmmis.

5 §

*Guollebivdoáigodat stákkuin ja vuokkain*

Stákkuin ja vuokkain lea lohpi bivdit Buolbmátjoga, Veahčajoga ja Ohcejoga čázadagain geassemánu 1. beaivvi rájes gitta borgemánu 31. beaivvi rádjái.  
Eará go 1 momeanttas dárkkuhuvvon čázadagain stákkuin ja vuokkain lea lobálaš bivdit geassemánu 1 beaivvi rájes gitta borgemánu 20. beaivvi rádjái.

6 §

*Ráddjehusat mat gusket seavtti ja áŋkorbivdosiid*

Seaktin ii oaččo geavahuvvot reahka, guolli iige máhtu.  
Njáhkároahki oažžu geavahit dušše go njáhká bivdojuvvo jieŋa alde. Deanu čázadagas váldojuvvon jápmán seakteguoli geavahus lea goittotge lobálaš njáhkároahkiin guolástettiin ja máhtu geavahus seaktin lea lobálaš jieŋa alde oaggumis.  
Vuokkas oažžu lea eanemustá okta golmmasuorat áŋkor dahje eanemustá golbma ovttasuorat áŋkora.

7 §

*Veahkkeneavvu mii geavahuvvo stággobivddus*

Bivdosii darvánan guoli loktemis gáddái oažžu veahkkeneavvun geavahit dušše hoava.

8 §

*Gildojuvvon stággobivdinduovdagat*

Stággoguillebivdu lea gildojuvvon  
1) 10 mehtera lagabus njággofierpmi;  
2) šalddi alde;  
3) fatnasis ja gáttis 200 mehtera lagabus oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus sihke Gálddašjoga ja Badje-Buolbmátjávrris njálmmis Buolbmátjávrris.

9 §

*Godđojuvvon bivdosiid geavahanmeari ráddjehus*

Guollebivddus lea lohpi geavahit ovttaáigásaččat eanemustá vihtta njággofierpmi giddodaga guovdu.

10 §

*Guollebivdináigi njággofierpmiin*

Guollebivdu njággofierpmiin lea lobálaš johkaossodagain jieñaid vuolgima rájes gitta geassemánu 20 beaivvi rádjái sihke borgemánu 1 beaivvi rájes gitta 31 beaivvi rádjái.

Guollebivdu lea lobálaš oppa jagi jávrriin guhkkelis go 200 mehtera geahčen joga oivošis dahje njálmmiss.

11 §

*Fanasbivdu*

Guollebivdu ja guollebivdobiargasiid suhppen fatnasis go mohtor manná sihke rávdnjái dasanaga áñkorastojuvvon fatnasis lea gildojuvvon.

12 §

*Bivdosiid merken*

Bivdinláhkái biddjojuvvon njággofierpmit fertejit merkejuvvot čielgasit nu, ahte čázadagain johttit fuobmájit daid. Bivdosat fertejit merkejuvvot uhcimustá 15 sentimehtera čázeoavvi bajábeallai olli govddohagain dahje uhcimustá 40 sentimehtera čázeoavvi bajábeallai olli stággui giddejuvvon láhpuin, man oaneheamos siiddu guhkkodat leat uhcimustá 15 sentimehtera.

Bivdosiidda fertejit merkejuvvot bivdosa biddji namma ja oktavuotadieđut sihke dan giddodaga namma, masa bivdovuogatuoha gullá. Njággofierbmái mearka lea giddejuvvon bivdosa geahčái giddejuvvon govddohakkii, mii oidno álkit.

13 §

*Bivdu fierbmebivdosiiguin*

Njággofierbmi, mii geavahuvo guollebivddus, oážžu leat eanemustá 3 mehtera allosaš bodnefierbmi, mas lea fierbmečoalli ovttain vuovssain seahka haga ja mii lea válmmaštuvvon nylonláiggis, mas lea okta sáiggar, ja man assodat oážžu lea eanemustá 0,20 millimehtera. Fierpmi allodat ii oáččo leat stuorát go čázi čikŋodat guollebivdinsajis.

Njággofierpmiin guolástettiin ii oáččo geavahuvo dahkurávdnjesuodji iige vuojahatfierbmi.

Njággofierpmi galljodat ferte leat uhcimustá 29 millimehtera ja dat oážžu leat eanemustá 40 millimehtera čuolmma gaskačuoggáš čuovvovaš čuolmma gaskačuoggái njuoska bivdosis mihtidettiin.

Buolbmátjávrris, Ohcejoga luobbaliin sihke Veahčajoga Rievssatjávrriin njággofierpmit ožžot leat alibut go 3 mehtera ja reaskábivddus lea lohpi geavahit firpmiid, maid galljodat leat uhcimustá 17 millimehtera. Čakčamánu 1 beaivvi rájes gitta cuoŋománu 30 beaivvi rádjái ovdal

namuhuvvon viidodagain fierpmit sáhttet geavahuvvot čázeoaifierbmin. Firpmiid galljodat galgá dalle leat unnimustá 18 millimehtera ja dat oažžu leat eanemustá 50 millimehtera.

## 14 §

*Guollefávli ja bivdosiid gaskkat*

Njánggofierpmi mihkkege osiid ii oaččo ollit váldo- dahje siidorokki guollefávlli rádjái. Guollefávlliin dárkkuhuvvo goalmát gaskačáhceallodaga mielde joga, čoalmmi dahje baskkáša govdodagas dan čiekŋaleamos sajis. Bivdosiid olggumus oassi ii oaččo ollit gokkoge 10 mehtera lagabui buhtalas gátti, iige rokki sulluid, lássáid ja gárguid, maid gaskii bohtet iežaset rokkit.

Bivdima várás biddjon njánggofierpmit eai oaččo leat gokkoge 60 mehtera lagabus nubbi nuppi.

## 15 §

*Fierbmebivddu gielddusviidodagat*

Njánggofierbmi ii oaččo biddjojuvvot 200 mehtera lagabui oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus iige Gálddašjoga ja Badje-Buolbmátjoga njálmmis.

## 16 §

*Sálašalmmuhus registarii*

Guollebivdi lea geatnegahtton doallat sálašbeaivegirjji šleađgahámis dahje báhpára alde. Guollebivdi ferte maid almmuhit guollebivddus Deanu čázadagas Norggain dahkkon soahpamuša lánkaásaheami suorggi mearrádusaid fápmuibidjamis ja guoskadeamis addojuvvon lága (176/2017) 7 §:s dárkkuhuvvon Deanu šleađgasálašregistarii juohke bivdojuvvon luosas, dápmogis, ruoššaluosas ja girjeluosas čuovvovaš dieđuid, fuolakeahttá das, leago guolli luitojuvvon vai goddojuvvon sálašin:

- 1) joga dahje jávrris, gos guolli lea bivdojuvvon;
- 2) bivdobeavemeari;
- 3) guoli sohkaheami, deattu ja guhkkodaga;
- 4) luitojuvvon guliid meari šlájaid guovdu;
- 5) bivdoneavvu.

Luitojuvvon guoli sohkaheami, deaddu ja guhkkodat ii goittotge dárbbáš almmuhuvvot.

Sállaša haga báhcán bivdi ferte almmuhit 1 momeanta 1, 2 ja 5 čuoggáin dárkkuhuvvon dieđuid.

Sállašat fertejit almmuhuvvot ovdal čakčamánu 1 beaivvi. Almmuhussii galgá gullat guđege bivdojuvvon šlája ollesdeaddu sierra šlájaid sierranastima mielde.

Bivdolobiid luohpadeaddji geatnegasvuodas ordnet guolásteaddjái beassama šleađgasálašregistarii mearriduvvo guollebivddus Deanu čázadagas Norggain dahkkon soahpamuša lánkaásaheami suorggi mearrádusaid fápmuibidjamis ja guoskadeamis addojuvvon lága 8 § 5 momeanttas.

822/2023

17 §

*Fápmuiboahdin*

Dát ásahus bohtá fápmui miessemánu 15 beaivve 2023 ja lea fámus juovlamánu 31 beaivvi rádjái 2023.

Helssegis miessemánu 11 beaivve 2023

Oahpahusministtar Li Andersson

Ráđđádalli virgeolmmoš Tapio Hakaste